

Ажаб эмаски, ана ўшалар ҳидоят топувчилардан бўлсалар

14:04 / 20.11.2018 3091

Аллоҳ таоло Тавба сурасида шундай марҳамат қилади:

الْمُهْتَدِينَ مِنَ يَكُونُوا أَنْ أُؤْتِيكَ فَعَسَىٰ اللَّهُ إِلَّا يَخْشَىٰ وَلَمْ الزَّكَاةَ وَءَاتَى الصَّلَاةَ وَأَقَامَ الْآخِرَ وَالْيَوْمِ بِاللَّهِ ءَامِنًا مِنَ اللَّهِ مَسْجِدًا يَعْمُرُونَ إِنَّمَا



“Албатта, Аллоҳнинг масжидларини фақат Аллоҳга ва охират кунига иймон келтирганлар, намозни тўқис адо этганлар, закот берганлар ва Аллоҳдан бошқадан қўрқмаганларгина обод қилурлар. Ажаб эмаски, ана ўшалар ҳидоят топувчилардан бўлсалар” (18-оят).

Масжидларни обод қилиш шарафига муяссар бўлиш кўпгина шартларни бажарган кишигагина насиб этар экан.

Шартларнинг биринчиси:

«Аллоҳга иймон келтириш».

Яъни қалбида фақат Аллоҳга иймони бор бўлган, Ундан бошқа ҳеч бир зот ибодатга лойиқ эмас, деб билган кишида Аллоҳнинг масжидларини обод қилиш шарафига муяссар бўлишнинг битта шарти мавжуд бўлади.

Иккинчи шарт:

«Охират кунига иймон келтириш».

Бу ҳам иймоннинг энг катта рукнларидан биридир. Охиратдан умидвор кишигина Аллоҳнинг масжидларини обод қилишга ҳаракат қилади.

Учинчи шарт:

«Намозни тўқис адо этиш».

Чунки намоз диннинг устунидир. Ким уни қоим қилса, динни ҳам қоим қилган бўлади.

Тўртинчи шарт:

«Закот бериш».

Бу молиявий ибодат бўлиб, баъзи ҳолларда «садақа» деб ҳам аталади. Яъни у ҳам иймонни тасдиқловчи ибодатдир.

Бешинчи шарт:

«Аллоҳдан бошқадан ҳеч қўрқмаслик».

Чунки Аллоҳдан бошқадан қўрқиш ширкнинг бир туридир. Мазкур сифатларни ўзида мужассам этганларгина Аллоҳнинг масжидларини обод қиладилар ва

«Ажаб эмаски, ана ўшалар ҳидоят топувчилардан бўлсалар».

Макка мушриклари эса мазкур сифатлардан бирортасига эга бўлмасалар ҳам, ўзларича, Аллоҳнинг уйи – Масжидул Ҳаромни обод қилувчилармиз, деган даъвони қилиб юришар эди.